

կաններուն գաղթեցին Ռուսական հողը, կարուց կօլայէն այստեղ գաղթող թերեքեմէ թուրքերն մտադիր էին մզկիթ շինել, յետոյ ոչխարաց գոմ՝ դարձուցին:

Այս վանքը շատ գեղեցիկ շինուածք ունի, 2 ժամ Ղլիճ կետուկի հարաւն՝ 2 1/2 ժամ Տութախի արևմտեան հիւսիսն է, գիւղի միջավայրն չորս հաստ սիւներու վերայ կամարակապ շինուած և անփնաս, աջ աւանդատան միջով՝ ձախ ձեռքի վերայ քարեայ սանդուխներով կը բարձրանայ որմի մէջ, ուստի կամարներու մէջ:

Հայաստանի մէջ շատ հնութիւն տեսնողներն կը հաստատեն թէ ամբողջ իրենց տեսածներուն մէջ՝ այսպիսի գեղեցիկ զէրքով շէնք տեսած չեն:

Ալաշկերտի Մօլլա-Սիւլէյման գիւղի կաթողիկ հայերն կը պատմեն թէ 1830 թուականներուն մի կաթողիկ վարդապետ Ղենետիկի վանքից եկած՝ մի կանթեղի չուանը քաշած է, ուստի մի դուռ բացուած է և կամարի մէջ պահուած հնութիւններն առած՝ տարած է յիշեալ վարդապետն:

ԲՐՃՕ (առուի եզր).—30 տուն ք. բ. ունի գիւղս, 1/2 ժամ արևմտեան հիւսիս Տէրըքու: Այս գիւղը ևս գերեզմանատուն կայր, այժմ հետքն անգամ չը կայ:

Մինչև 1875 թուականներուն անփնաս մնացած էր, իսկ նոր գաղթական թուրքերից օրինակ առնելով հիմնայատակ արած են տապանաքարերն:

ԽՈՈՆՏՏԻՆ.—20 տուն ք. ըստ քրդաց գիւղս կը նշանակէ կարգացող կամ արիւն խենդ (խենդի արիւն) 1 ժամ արևմտեան հարաւ Տէրըքու: Մեծ մեծ շէնքերու աւերակներ կան, թէրևս Տէրըքու հոչակաւոր վանքի ուսումնարանը այստեղ էր, որպէս կը պատմեն: